

Litteras scriptas esse Eminentiae, Tuae cum facultate subdelegandi ad hunc ipsum effectum suum Vicarium Generalem, vel alterum sibi bene visum virum Ecclesiastica dignitate conspicuum vel etiam simplicem Sacerdotem qui neque ecclesiastica dignitate, neque academicis titulis gaudeat, ad praedictum processum conficiendum. Item exponit impetratas pariter esse alias Litteras a R. P. D. Promotore Fidei Urbis directas Reverendo Domino Promotori Fiscali Tuae Curiae et alteri probo doctoque viro per Eminentiam Tuam eligendo et nominando in eodem Processu una cum praedicto Promotore Fiscali in Fidei Sub-Promotorem. Idcirco praefatus Causae Postulator instanter et reverenter precatur ut ad Litterarum Remissorialium executionem devenire velit, et diem, horam et locum designare in quo ipsae Litterae Remissoriales legitime ac rite praesentari, recipi, aperiri, et executioni mandari possint, citato et interveniente praedicto Dño Promotore Fiscali.

Quod si ob Tua gravia negotia id per Te explere non possis, orator obsequenter postulat ut ad hoc opus, iuxta facultatem a S. Sede concessam, Vicarium Tuum Generalem, vel alterum virum, ecclesiastica dignitate conspicuum vel etiam simplicem sacerdotem deputare placeat, et etiam deputare Sub-Promotorem Fiscalem, qui Processus actis adsistat, Notarium Apostolicum sive ecclesiasticum qui acta conscribat Testiumque depositiones recipiat, et denique Cursorem seu Cursores qui citationes et alia jussa exequantur.

Et de gratia etc

Datum Quebeci die vigesima quarta Martii anno millesimo octingentesimo nonagesimo primo.

(Signat) Th. St. Hamel P. V. G.
Postulator in Causa